



博濟方卷四

胎產

大凡婦人懷孕當入月卽當豫備所須及合用湯藥仍知逐月吉凶方向免臨時忽遽以至不周如產婦但腹痛而未腰疼者卽未產候也凡生產有坐產臥產各須平正其身不得稍有偃曲卽令兒生失道如未是其時切不可上草太早及強嘔氣用力衝擊於兒以致生疾切忌產時旁人不得揮霍恐驚動產母只可令一老成并親屬人扶持令行或不能行卽須立且直候兒逼生方可得正產或正臥切忌上草太早生病極多子母纔分莫問兒女速與童子小便一盞及逐惡血藥一服不得令便臥且候移時背靠軟物仰臥立膝高搯



床頭厚鋪衲褥遮障孔隙免有賊風所傷仍須三日內常令產婦鼻內聞猛醋烟以備血暈也又不得教熟睡頻喚省緣氣血全虛恐生昏亂凡在一七日內唯頻服童便醇酒各半盞煎令沸放溫服日五七劑及食白淡粥二七日食淡膾肉三七日漸食滋味一月內菜實生冷恚怒嗔愁並皆不可稍染微病即成大病一百日內氣血未和勿恃平寧便為無事往往自恣輒成大病凡十二月產帳及藏胎衣但向月德月空上皆可假令正月即月德在丙月空在壬壬上坐產婦丙上藏胎衣如壬位不便即于丙上安之亦得但於集聖歷日上檢看備詳也

藿香散 安胎和氣利胃膈治噎塞阻食

藿香

人參

茯苓

白芷

威靈仙

甘草

桔梗

右七味各等分杵為末每服二錢水一盞薑三片同煎六分溫服

阿膠散 治妊傷寒安胎出汗

大獨頭蒜

一箇以秋瓜蔓裹了外用黃泥固定以炭火二斤燒令通紅放冷打開取出細研如未有

瓜蔓但只以瓜根半兩代之羌活

獨活

蒼朮

水油浸一宿去粗皮焙

紫苑

白朮

人參

附子

炮去皮臍阿膠 已上各一分

甘草

半兩炙

右一十味都搗為細末每服一大錢水一盞入連鬚葱白一寸同煎至七分溫服如人行十里許連二服至三服末



後一服喫了便以冷水漱口一二十遍漱罷以衣微蓋汗  
出大妙

催生滑胎散 治疼痛

槐子炒

麥蘗炒

貝母炒

滑石

當歸炒各等分

右五味同爲細末每於未產月十日前每日空心用溫酒  
下二錢

滑胎散 產前服

牽牛子兩

赤土少許

右二味研令極細母覺陣頻時煎榆白皮湯調下一錢

又方

用臘月兔頭腦髓一箇攤于紙上均剪作符于於上面

書生字一個覺陣頻動時于母釵子股上夾定燈焰上

燒灰盞子盛了煎丁香酒調下

治子死胎中方

黃明乳香

不限多少

右于端午時或歲除夜收猪心血相和研爲丸如雞豆大  
以紅絹袋盛掛于門上如患者以冷酒磨下一丸

備急丹 治產後惡血衝心或胎衣不下腹中血塊等症

用錦文新大黃一兩杵羅爲末用頭醋半斤同熬成膏  
丸如梧桐子患者用溫醋湯七分蓋化五丸服之須臾

取下亦治馬墜內損者

香桂散

治產後臍下疼痛不止

產實諸方作當歸散



當歸

川芎各一分 官桂去皮半兩

右三味同為細末分作三服每服酒一盞煎三五沸更入童便少許同煎至七分溫服甚者不過再服必瘥

金黃散 治產後惡血攻心時發躁

蒲黃半兩 延胡索一兩 桂心一分

右三味杵為細末每服一錢用烏梅湯放冷調下

金花湯 治逐惡物止腹疼

桂心去皮 威靈仙 白芷 當歸 牡丹皮各等分

右五味同杵為末每服二錢煎麵湯調下大凡婦人產後更須常體問產婦如所出惡物多即不須再三下之過即

血虛氣極煩悶暈亂而生病焉如覺比常少及不行切須急攻之緣血隨氣行上掩于心故令煩悶而心滿急二者為異切在審詳蓋產婦體虛切不得妄亂進與湯散如別無狀候但與調氣治血湯散最妙

沒藥丸 治產後心胃煩躁惡悶不快

沒藥 蠻薑 延胡索 乾漆 當歸

牛膝 牡丹皮 桂心去皮 乾薑各等分

右九味同為細末醋煮麵糊為丸如桐子大煎麵湯下十丸至十五丸不拘時服

延胡散 治產後血渴不止

延胡索 鬱金 乾葛 官桂去皮 青皮去白



枳殼各等分

右六味並以好醋浸一宿炙乾杵為細末每服一錢冷橘皮湯下不過三服差

常山飲 治產後血海虛乘熱發狂悶亂作時

常山 石膏 大黃煨 甘草炮 鱉甲醋炙

柴胡去蘆

右六味各等分為末每服三錢水二盞煎至一盞放冷服兼治室女體熱紅脈不行

芸薹散 治產後心腹諸疾

芸薹以紙襯炒 當歸 官桂 赤芍藥各等分

右四味為末每服二錢煖酒下趕下惡物

蓬莪朮散 治產後血海氣虛腹臟疼痛心胃症悶每遇紅脈行或多或少及有塊積者

蓬莪朮 當歸炒 大黃紙裹煨慢火煨候紙黃色佳 桃仁去尖炒

黃色各一兩 桂心 芍藥 牡丹皮 延胡索炒

木香 赤芍藥各半兩

右一十味擣為細末每服一錢温酒調下午前臨臥各一服

大聖通真丸

馬鳴退二兩 人參一兩 甘草二兩 防風一兩 當歸二兩

芍藥二兩 桔梗三兩 石膏二兩 白芷一兩 乾薑一兩

附子一兩 芎藭一兩 藁本一兩 澤蘭二兩 白蕪荑一兩



川椒三兩出汗取紅柏子仁一兩

石茱萸一兩一分醋炒蟬退二兩

蒼朮一兩炒白薇一兩

白朮一兩厚朴一兩一分入生薑汁塗炙令香熱

木香 黃芪

牛膝各一兩本味好事者加之亦得

右二十六味搗羅為末煉蜜為丸如彈子大每日空心茶

酒任下 療八風十二脾寒氣乳風血瘀又治胎不安子

在腹中死兼療萬無不效 如胎不安服一丸便止 如

娠時臨月日服一丸至產不知楚痛消去寒熱 如產後

復發惡露中風兼傷寒汗不出以麻黃三分去根節杵末

酒煎下藥丸汗出如多更進一丸便止 腸堅積聚朝暮

進一丸 陰中痛月經不定不過三丸即差 又絕產無

子朝暮服之輒因有子 四肢脹滿洩利嘔吐不能飲食

赤白痢如因產惡物積于大腸中風口噤不語挑開口研

酒化一丸灌之即愈 男子女人萬病悉皆治之言有所

療說不具盡若阻道途有疾輕重以意服兼治傷寒

大聖散 治婦人產前產後一切疾患大能安胎和氣或子

死腹中疝刺疼痛產後血暈血癖血滯血崩勞血入四肢應

是血臟患者并胎衣不下及傷寒嘔吐遍身生瘡經候不調

赤白帶下乳生惡氣欬嗽寒熱氣撮四肢室女紅脈不調並

宜服之如或子臟虛冷頻頻墮胎及孕娠後乖違將攝因依

成疾並可服之若能常服和悅顏色血海安寧飲食進美舉

止康強丈夫服之亦療五勞七傷蘇沈良方名澤蘭散

蘭九分使嫩者不用根白朮三分米泔浸切作片子以麩炒合黃色白芷三分濕紙裏煨過



人參三分

川椒一分只取三

厚朴一兩去皮

藁本二分

桔梗一分

白蕪荑七分只用仁

阿膠半兩研炒

細辛一分

丹參三分

肉桂五分去皮

生地乾黃一兩

吳茱萸四分

洗炒

黃芪三分

川烏頭三分炮

卷柏四分不

白茯苓一兩

生用

甘草七分

石膏二兩研細

五味子三分

柏子仁一兩

生用

防風一分

當歸七分

芍藥七分

川芎七分

乾薑三分炮

白薇二分去土

右二十九味並揀擇令淨分兩為末每日空心以熱酒調

下一錢如婦人一切疾病但請服之神妙蘇沈良方云子

弱多疾者服此藥

二十四味萬靈丸 治婦人產前產後諸疾并三十六種冷

血風氣等病

人參半兩

茯苓三分去皮

官桂去

吳白芷

細辛

木香

牛膝

左山寒水石

藁本

麻黃去節

甘草炙

蘭香菜如無菜只

用子亦得

防風

桔梗

赤參

芎藭

黑附子炮

蟬退已上各半

芍藥兩去土

牡丹皮各三

馬鳴退一兩

炙

沈香一分

石茱萸一分

右件同為細末煉蜜為丸如彈子大每日空心用酒化一

丸 治八風十二疝乳中風淋血聚并治胎不安 若死

在腹中不過三丸生下死胎 生衣不出一丸便出 產

後腹內絞痛繞臍下如刀刺相似者一丸便止 產前產



後赤白痢并帶下及嘔逆心氣煩滿服一丸立差 如懷胎入產月但一日一服至生產時不覺痛 產前傷寒中風體如板者用熱煎麻黃湯下一丸立止 經信不通或頻併來或白喫食無味瘦惡作熱面赤唇焦手足煩疼遍身如黑點生血斑凡婦人一切疾病但服此藥必有功效 保生丸 治產前產後血氣風冷及是婦人所患一切疾病 並皆理療神驗

金釵石斛 二分 秦艽 二分

官桂 去皮 乾地黄

貝母

防風 糯米

甘草 炙

乾薑 炮

細辛 已上

各一分 當歸

蜀椒 去目

大麻仁

大豆卷 即黑豆皮

黃

芩 已上各二分 石膏 明淨者

麒麟竭

沒藥

龍腦 各一分

右一十九味並須州土新好者大分細搗羅為末煉蜜六兩熱須入水一分同煉令水盡和藥為丸先杵五百下後丸如彈子大勻可成七十二丸用湯使治病狀如後 產前產後血氣頭旋身戰可用薄荷湯下 月信不通當歸酒下 赤白帶下溫酒下 婦人臨產難產胎衣不下子死腹中橫產倒死死絕不語但看頭熱氣在取一丸用芎藭湯研灌口中但入喉立甦神妙 產後惡血不盡臍腹疼痛嘔吐發熱憎寒煩悶月候不調或多或少皮膚虛腫產血不止虛勞中風口噤不語半身不遂產前產後赤白痢大便秘澀血渴血暈狂語見鬼頭痛面色痿黃漸成勞瘦飲食無味已上病狀並無灰酒研下一丸服之五七丸



臨產五臟不痛男女易生其神驗難述 催生當歸酒下

產後中風血暈生地黃汁同煎十沸研藥一丸灌之立

瘥 禦風但五日一度爛嚼一丸空心熱酒下或浴下嚼

一丸溫酒下 小兒天弔驚風薄荷酒下一丸分作三服

中風不語身忽如板用消梨好瓢薄荷同研熱服一丸

用衣被蓋覆但汗出相次揭衣被便當風坐臥立瘥 其

婦人身上一切諸疾但只以溫酒及當歸薄荷同研一丸

立瘥 產寶諸方云忌生冷油膩魚雞等物湯酒入口溫

熱得所但未產以前與產後一臘好依方合一法博濟方

中用麒麟竭沒藥龍腦三味近醫者云血竭沒藥破血產

前不可服若合只依太醫局方除此三味合之分兩亦同

產前後亦可通服也初產作小丸服之一法初產了五七

日間氣虛蜜藥纜下散胃隔間恐發虛熱凡合一料以糯

糊丸半料糯糊丸者初產至兩臘可服丸如桐子大分三

十六服

阿膠丸 治產前產後神妙

真阿膠 四斤火炙 蛇脫皮 一條 熟艾 半兩 敗筆 一管 用

大麥花 少許炙乾如無此花以麥葉

右五味一處研令細以軟粳米飯為丸如雞豆大如丸時

粘手以少許麵為丸 婦人有身十個月滿足者有諸般

疾病用井花水磨下一丸 產後有病用通靈散一字醋

湯磨下一丸 此藥大安胎臟如築打着及死胎在腹中



用醋湯下一丸 產前欬噎用千金散子一字熱水調下  
一丸 產前產後被血衝心用黃散子半錢醋湯調下  
一丸 產後遺瀝不止用燒鹽半錢無灰酒下一丸 難產  
者三日至五日服此立下用通靈散子醋湯下一丸 如  
婦產時衣先下未見兒足踏衣生用通靈散子一字調下  
一丸 如兒先下衣未見須臾用醋湯下一丸 如刺前  
後心用通靈散子一字調下一丸 如漿破後經三五日  
不生用黃散子一錢酒調下一丸 產前產後痢醋湯下  
一丸 血氣用艾枝煎湯下一丸 罌粟炒令黃為末是千  
金散 真阿膠炙令黃為末是黃散子 蛇蛻衣燒灰為  
末是通靈散子

### 琥珀散

治產前產後血氣不和及一切疾

當歸

一兩

川芎

一兩

赤芍藥

二兩

莪朮

一兩

右為末每服二錢空心溫酒下如腰腹痛加陳橘皮一兩  
去白乾薑半兩炮同和勻如不喫酒以水一盞同煎至七  
分溫服

### 經氣雜證

白薇丸 治婦人無子或月水斷續不勻及上焦虛熱下部  
冷憊飲食減少肢體黃瘁凡有心腹一切疾病和劑局方名  
小白薇丸治婦人衝任虛損子藏受寒久無子息及斷續不  
產此因上熱下冷百病滋生或月水崩下帶漏五色腰腹疼  
重面黃肌瘦或因產乳不能將護路廁太早或久坐濕地並



冷風從下入血藏既虛風邪內乘或月水當行失于調攝傷動胞絡陰陽不和上焦虛陽壅燥下藏邪冷結伏致使月孕不成冷極傷敗月水不勻飲食減少夜多盜汗面生黧黯齒搖髮落脚膝疼重舉動少力並宜服之

白薇 乾熟地黃 川椒去目微炒去汗 白龍骨各一兩 車

前子 當歸剉碎炒 芎藭 蛇床子 細辛

乾薑炮各半兩 藁本 白芷 覆盆子 官桂去皮

菖蒲 白茯苓去心 人參 桃仁去皮尖炒

炒黃 卷柏各三分 麥門冬一兩半去心焙

右二十一味同杵為細末煉蜜為丸如桐子大每日空心及晚食前溫酒下三十丸局方云常服壯筋骨益氣血及晚食前溫酒下三十丸

鼈甲丸 治婦人月經不調肌肉黃瘁脇下積氣結硬時發

刺疼漸成勞狀

鼈甲去裙襴醋炙黃 官桂去皮 荆三稜醋淬急炒 川大黃煨

桃仁麩炒去皮尖 丹皮 訶子皮 琥珀

牛膝 土瓜根各等分

右一十味同為細末煉蜜為丸如桐子大煎桃仁湯下十

五丸破血癥氣塊尤妙

桃仁煎 治月水不調阻滯不通

桃仁二兩湯浸去皮尖雙仁麩炒微黃 川大黃二兩 蟲蟲一兩炒黑色去翅足

川朴硝二兩

右四味同為細末用醋五升入銅銀鑊內以慢火熬成膏



可丸丸如桐子大當日晚不喫晚食五更初以温酒吞下  
一丸不嚼破至明日午際取下如赤豆水或似羊肝蝦蟆  
衣其病下了卽一丸分作二服未下再服候鮮紅卽佳服  
仍以調氣湯散補之

延胡索散 治婦人血氣走作疼痛不可忍者及月水不調  
面色萎黃喫食減少及生產後諸疾並皆治之

延胡索 生用 荆三稜 生用 蓬莪茂 酒浸少時 當歸 酒洗焙乾各一兩

右四味同爲細末每服二錢空心温酒下如血氣發甚者  
及月水不勻並用童便酒紅花同煎調下只三服差矣

當歸煎丸 治婦人久積血氣時發發刺痛肌瘦力乏月候  
不調

川當歸 去土二兩 檳榔 赤芍藥 牡丹皮 延胡

索 各半兩

右五味先將當歸用米醋一升二合慢火熬成膏入衆末  
和爲丸如桐子大每服二十丸温酒下空心日午服

澤蘭丸 治婦人血海虛損肌肉黃瘁喫食進退月水不勻  
四肢倦悶 聖濟總錄治乍多乍少或斷或續或湛或濁

澤蘭 一兩 附子 一兩 當歸 牛膝 牡丹皮  
芍藥 各半兩 人參 陳皮 厚朴 薑汁炒 蛇床子 各一兩

黃芪 半兩 乳香 白朮 菴蓉 酒浸 官桂 去皮各三  
川芎 半兩 遠志 去心半兩

右一十九味同爲細末煉蜜爲丸如桐子大空心温酒下



十五丸米飲亦可

沈香鼈甲散 治室女榮衛不調經候凝滯或時頭目昏悶

上膈積涎肢體不利五心虛煩飲食進退多困少力

木香兩一 沈香三分 鼈甲九肋者一枚淨去裙襖醋炙令黃香用一兩半

常山兩一 當歸兩一 半夏一兩湯洗七遍去滑止 官桂去粗皮一兩

柴胡一兩去蘆 人參兩一 白茯苓兩一 檳榔三分 甘草炙

青皮兩一 陳皮兩一 生地黄兩一

右一十五味同搗羅為末每服二錢水一盞又入生薑三

片同煎至七分去滓溫服空心日午臨臥各一服御藥院方內有

麥門冬一兩無官桂一味

乾柿煎丸 治衝任久虛下漏不時連年未止變生多病夜

有盜汗欬嗽痰涎頭頂多痛白節酸疼血海虛冷面生黧黯

臍腹刺疼全不喫飲食日漸瘦弱懷妊不牢或無娠孕並宜

服之

好乾柿十個去蓋細切 沈香一兩杵為末用好酒三升浸沈香

膏乳鉢內研如 禹餘糧石四兩紫色者不用夾黃燒通

糊次入下諸藥 吳茱萸一兩湯浸一宿焙 川烏頭一兩

研令細入 白木兩一 地龍二兩槌碎去土于新 陳橘

酒浸一宿炮 乾薑半兩 皮去白一兩

右七味搗為末入前藥膏和令得所入白內杵一二千下

取出為丸如桐子大每服十九至十五丸溫酒下醋湯下

亦可 如患多倦少力全不思食粥飲下 如欲妊娠服



不過兩月必有空心食前服

人參荆芥煮散 治婦人血風勞氣攻刺疼痛四肢無力不

思飲食多困黃瘦胸膈痞滿經水不利心多怔忡

荆芥穗四兩 柴胡去蘆 秦艽洗去泥 肉豆蔻去殼 白芷

黃芪各二兩 當歸洗一兩 鼈甲洗淨醋炙黃 官桂去粗皮

蓬莪茂 芎藭 麥門冬去心 酸棗仁

海桐皮 芍藥 人參 茯苓 甘草炙

乾地黄 枳殼麩炒去瓢 木香各一兩 沈香半兩 檳榔半兩

右二十三味並杵羅為末每服二錢水一盞生薑三片烏

梅二個同煎至七分溫服一日二服 如覺臟腑熱即空

心服 小便多即食後臥時服 如患有氣塊血塊立得

消亦治丈夫風勞病其功不可盡述

香甲散 治婦人血風虛勞四肢少力肌肉黃瘁多困減食

遍身酸疼真邪相擊心腹撮痛

木香三分 鱉甲去皮肉醋炙 牡丹皮 赤芍

陳皮去白 官桂去皮 人參 茯苓 秦艽

柴胡去蘆 白朮 當歸炒 熟乾地黄

黑附子炮製去皮 乾薑三分 甘草半兩

右一十六味同為末每服二錢水一盞煎入生薑三片棗

二枚同煎至七分去滓稍熱服 如煩渴心躁更入烏梅

一兩同杵為末

大香甲散 治婦人血臟風虛冷氣肌肉黃瘦飲食進退經



候不勻心腹多脹漸變如勞補血海調氣

沈香兩半 鱉甲湯浸去裙襴炙令黃香用一兩 柴胡兩半 人參兩半

桔梗兩半 茯苓 川芎 藿香兩各半 羌活

木香兩各半 陳皮去白 牡丹皮 安息香兩各半 當歸兩半

厚朴炙令香 荆三稜炮 官桂去皮 附子炮去皮臍

牛膝兩各半 桃仁湯浸去皮尖半兩 和皮大腹子分一

右二十一味各洗淨擇焙乾為末分一半每服二錢水一盞入生薑黑梅各少許同煎至八分溫服餘一半更入

乾漆分一 阿魏兩半 赤芍藥分一

右同為末煉蜜為丸如梧桐子大每服二十九至三十九空心煎烏梅地黃湯下與散子相間服

金花散 治室女骨蒸熱勞

藿香 零陵香各一分 蓮子心分二 延胡索 芍藥

香白芷 川芎 當歸 官桂去皮各一分

晚蠶蛾分二

右一十味同搗羅為散每服溫酒調下一錢一日二服

枳殼飲子 治婦人手足煩熱夜臥多汗肌肉黃瘁經候不

勻四肢煩倦心胸滿悶狀似勞氣

枳殼二兩去皮麩炒 半夏一兩湯洗七遍以生薑汁浸三宿用麩炒令黃 紅芍藥兩一

柴胡去蘆一兩半 黃芩一兩半

右五味同為細末每服二錢水一盞生薑一塊擘破棗二枚同煎至八分去滓溫服候五心煩熱及身體壯熱潮熱



退方住服

當歸散 治婦人血風攻疰百骨節酸疼皮虛腫筋脈拘急  
或生癰疹寒熱不時飲食無味

延胡索

當歸

蒲黃炒

京芎

滑石炒先研細

乾地黄

天麻

地榆醋炒

肉桂去皮

澤蘭

蓬莪朮炮

赤芍藥

右一十一味皆等分唯地榆減諸藥之半各依法修製了

杵羅為細末每服一錢半溫酒調下或薄荷茶清調下亦

可如手脚冷卒患血氣奔心撮痛炒生薑酒調下二錢

牡丹皮散 治婦人血氣攻疰頭目疼痛遍身煩疼口苦舌

乾多困少力或發寒熱狀似傷寒

牡丹皮

赤芍藥

川芎

羌活

甘菊

防風

各二兩

半夏

一兩半湯浸洗七度炒令黃

甘草

一兩炙

右八味同為細末每服二錢水一盞薑二片薄荷十葉煎

至七分稍熱服

狼毒丸 治婦人血氣攻疰腰脚及背膈疼痛四肢煩倦麻

痺兼療丈夫元臟風攻遍身痛筋脈拘急腰脚無力

天南星

狼毒

海桐皮

黑附子

炮各等分又一法更

加牛膝一味焙用之以酒浸一宿亦妙

右四味各用童便浸安著蓋子四隻內浸一宿漉出控乾

許為末酒糊為丸如梧桐子大每日空心以獾猪膽汁十

餘滴炒葱一根簽酒下二十九只酒亦可如有孕不可服



之

牡丹皮散 治婦人臟冷氣不和心胸煩悶不思飲食四肢無力頭昏身體痛

牡丹皮 芍藥 白芷 乾薑各一分 當歸

延胡索 陳皮去白 官桂去皮 烏藥 苦枝

紅花 川芎各半兩

右十二味並生杵為末每服一錢半用生薑二片酒水各半盞同煎至七分溫服 如初生產後每日三服一七日後漸減服數如服藥後腹內些小疼痛請不怪如喫至滿月永無病生

赤芍藥散 治婦人氣血不和心胸煩悶不思飲食四肢少

力頭目昏眩身體疼痛

牡丹皮 白茯苓 赤芍藥 吳白芷

甘草各一兩 柴胡三兩 去蘆

右六味為末每服二錢水一盞入薑棗同煎至七分溫服食後臨臥各一服

勝金丹 治婦人血海虛冷臍腹冷疼肌肉黃瘦飲食進退

時多困倦四肢發煩產前產後諸疾但依法服食大效

大黃三兩用米醋浸兩宿以竹刀子細切于甌上蒸九度研為糊 地龍去土醋內

芫花一分醋炒令黃色于器內炒不得犯鐵器 蓬莪朮半兩 川芎半兩

當歸半兩 蒲黃 延胡索半兩于器內炒 杜牛膝半兩

官桂去皮 赤芍藥各半兩 乾地黃半兩以醋微炒 劉寄奴一分



博濟方卷四  
右十二味並同爲末傾入大黃膏內攪和爲丸如雞豆大  
每日早晨臨臥用溫酒化下一丸 如產後有疾以炒生  
薑酒化下一丸產後只用溫酒化下一丸月數未多卽且  
莫服此藥

黑靈散 治婦人遠年血氣甚者

穿山甲半個

黑鯉魚皮半個

小兒髮半兩

阜茨不蛀者三錢

右四味同入于磁瓶子內用鹽泥固濟先用文武火燒次  
用大火煨之令赤熱放冷取出研細每服半錢溫酒調下  
順氣木香丸 治婦人血氣攻刺手足疼痛冷痺心腹久積  
掙淨刺口吐冷涎面目青黃色發歇有時

黃堯花一兩

巴豆七個

用醋半碗浸一宿銚子內煮盡醋炒紫色

延胡索

秦艽

桑蛾各半兩

官桂一分

木香一分

右七味爲末醋煮麵爲丸如綠豆大每服十丸熱酒下  
沒藥散 治婦人急血氣疼痛不可忍者

沒藥

紅花揀淨

延胡索洗

當歸洗各等分

右四味爲細末每服二錢以酒半盞童便半盞相和勻赤  
燒稱鎚或小鈴子淬過後調下常服只用溫酒一錢亦可  
伏龍散 治婦人赤白帶下久患不瘥肌瘦黃瘁多困乏力

棕櫚

不拘多少燒灰纔火着急以盆蓋陰令火住

屋梁上塵

縣長者如無以竈頭上空虛者

抄于銚子內炒令烟盡于淨地上放冷出火毒

伏龍肝

于鍋直下去取赤土炒令烟盡用

右三味等分研和勻令入龍腦麝香各少許每服二錢溫  
酒調下鹽醋湯亦可患十年者可半卽瘥



大琥珀丸 治婦人百病

木香二兩細切微炒琥珀二兩生用北亭一兩以熱湯化為水澄去砂石取青者白磁器內熬

成京芎二兩炒官桂一兩去皮當歸一兩炒白僵蠶一兩去絲取淨用者

生薑自然汁于碗內焙乾沒藥一兩生用薑黃一兩略炒蟬殼一兩去土爪面洗淨用之

右一十味並依法修事秤定分兩一處為末別以乳香一

兩用水磨盡香在水內入少白麵為糊丸如菉豆大以好

生硃砂一兩半麝香一錢為衣將硃砂麝香末分為三度

上之貴色勻也治婦人室女百病常服五丸溫酒湯亦得

久病十五丸至二十九日兩服 赤白帶下煎荊芥酒下

經脈不通虎杖京芎蜜同煎酒下 心氣痛不可忍生

薑醋湯下上喘咳嗽訶子人參煎湯下 五勞烏梅鱉甲

葱白煎酒下 血邪發狂磨刀水磨生犀下用鉛白霜亦

得 四肢瘙癢遍體生瘡及五痔何首烏煎酒下 血海

積冷腹中絞痛食後氣脹腰脚無力炒薑酒下 血暈悶

亂童便酒各半盞煎沸放溫下 血山崩白艾葉煎酒下

臨產作陣血閉悶亂胎息不順子死腹中生衣不下及

要催生並用生雞子清一個熱酒調下 小產產後敗血

奔心口噤舌強寒熱發渴頭面浮腫坐臥不得百節酸疼

用生地黃生薑汁各少許入童便半盞同煎三五沸去滓

溫服下 產後中風用川烏頭二個炮製去皮臍白僵蠶

少許一處為末酒煎半盞下 產後淋瀝不止口苦盜汗

乾荷葉阿膠煎酒下 頭面及四肢腫痛伸縮拘急延胡



索酒下 血癥結塊刺痛難忍當歸煎酒下 赤白等痢  
熱陳米飲下 有孕不得服之

二十六味牡丹煎丸 治婦人血刺血瘕上搶血塊走注心  
胸疼痛血海虛冷臍下膨脹小腹滿悶腿膝無力血多血少  
背膊悶倦血皴裂手足麻痺身體振掉腰脊偃僂月經不調  
或清或濁赤白帶下血山崩漏面色痿黃身生癩疹腹內虛  
鳴面生黥黯手足熱疼并筋攣骨疼兩筋攀急起坐托壁腰  
背牽掣舒卷不得 陳白明管見良方云治婦人衝任本虛  
小腹挾寒或因產勞損子臟風寒搏于血氣結生痕聚塊硬  
發歇背項強急手足麻痺或疼滯澀悶血小腹疼痛寒熱盜  
汗四體酸痛羸乏少力心多驚悸不能飲食

牡丹皮一兩 黑附子一兩 牛膝酒浸一兩 龍骨二兩  
細研

五味子一兩 官桂去皮一兩 檳榔二兩 白木一兩

白茯苓一兩 當歸一兩 續斷細者一兩 木香一兩 澤瀉一兩

延胡索半兩 羌活二兩 藁本去土用細一兩 乾熟地黃二兩

赤芍藥一兩 乾薑半兩 山茱萸半兩 乾薯蕷一兩

縮砂仁半兩 石斛三兩 草薺一兩 白芷一兩  
同炒熟

右二十六味並各州土新好者洗淨令焙乾杵為細末煉  
蜜為丸如桐子大 如是血熱及夜多煩躁不用附子山

茱萸草薺乾薑此四味却入柴胡黃連甘草牽牛子四味  
柴胡去苗一兩甘草一兩餘各半兩為末同和每服十丸  
至二十九丸溫酒下醋湯亦可空心臨臥各一服不嚼並無



所忌

驚癇

安神丸 治小兒驚風搐搦化涎鎮神

使君子 兩枚以麵裹于慢火中煨候 水銀 一錢結

香細墨 一錢 蘆薈 一錢 辰砂 一錢 臘茶 一錢 輕粉 二錢

天竺黃 半錢 青黛 半錢 蝎梢 三七個 乳香 一錢 龍腦 一錢

寒食麵 半錢 真熊膽 半錢

右十四味同研令勻細滴水為丸如菉豆大每服一丸薄荷蜜水化下如小兒稍覺驚着化半丸與喫若能常服永無驚疾

延壽散 治小兒驚搐不定或因驚風已經取下此病再作

氣粗喘促

雞舌香 大者三枚 硃砂 半錢 五靈脂 一錢 黃芪 半錢

右四味同研為細末每服半錢用研糯米泔調下如孩子

小只服一字

神效龍腦膏 治小兒驚風搐搦痰塞在心戴眼直視或眼

不開口噤四肢或冷或熱大便或秘或泄

生龍腦 一錢用柳木槌子 膩粉 一分 水銀 半兩用臘茶

塊如棗大以水銀一 天南星 二錢先去皮臍濕紙裏熟

石腦油 冬用半兩夏天用一分將前

右四味為末以石腦油和丸如菉豆大一歲二歲三歲四

歲一服一丸二丸煎乳香湯下不得化破服後三五頓食



久取下惡物痰涎大有奇功

桃紅丸 治小兒慢驚墜涎安蟲其狀多因久患脾胃虛弱風邪中入而作此疾

綠礬一兩 赤脚烏半兩

右二味同為細末作稠麵糊為丸如棗豆大每服用溫米飲下三丸次喫補虛丸

補虛丸

新羅白附子一兩湯洗去皮 大半夏一兩

右二味各用白湯漫三日每日換水三度取出焙乾為末以生薑自然汁着兩錢薑末煮糊和為丸如棗豆大每服三丸溫棗米飲下

牛黃硃砂丸 治小兒慢驚風搐搦及天癇似癇者

蠟梢二七 牛黃半錢 麝香半兩 雄黃少許 硃砂二錢

黑附子尖三個 巴豆一粒好者燈上燒令皮焦剝去皮用肉

右七味一處研令勻如粉以蒜蒸餅和為丸如蘿蔔子大濃煎荊芥湯下一丸以衣被蓋少時汗出可愈 如天癇

搐搦開口不得者便用若柳草蒜入鹽同杵塗藥一丸在兒後心上以前蒸蒜下餅子蓋之用手帛子繫定後更服一丸化破入麝香少許以前煎湯下之覺內蒜氣渾身汗出立愈用端午日合忌雞犬婦人見

如聖青金丸 治小兒體熱忽發吐逆夜驚啼在再不解或祕或泄變成慢驚或為疳疾等狀定搐搦療疳病墜痰涎鎮



心神

龍腦錢一

麝香分一

香墨半一錢

膩粉錢一

白麪錢三

使君子兩個

以白麪裹慢火煨令熟

金箔

銀箔

各一十片如無少用

青黛錢二

右九味同研令細滴井水和丸如雞豆大患慢驚用薄荷水化下一丸服訖須臾便睡睡立愈後更服兩三服如些須小驚者及急驚只服半丸以下慢驚隨大便取下涎一合以來神效

睡驚丸

治小兒慢驚風身體壯熱手足微瘈

見栢真子嬰童寶鑑

白龍腦

硃砂

各一錢未香墨

青黛

蘆薈

未各錢

膩粉錢一

使君子個二

右件以寒食麵為糊丸如桐子大用薄荷水化一丸

厚朴散

治小兒外傷風冷解肌

厚朴

去皮以薑汁塗炙令香

蒼朮

陳皮

去白各一兩

乾薑分三

甘草

兩半

右件同為細末每服一錢水一盞入生薑二片棗一枚同煎至六分熱服

鉛白霜丸

治小兒驚風傷寒四五日未得汗搖頭撲手上

竄多啼叫不睡喫水無休

鉛白霜兩半

山梔子兩一

甘草兩半

馬牙硝

硃砂

人參

天竺黃

各半兩

右七味為末煉蜜為丸如桐子大每服一丸冷熱蜜湯化



下

青黛丸 治小兒驚食哽氣

青黛分一 木香 豆蔻 檳榔各一分 麝香錢一

續隨子一兩 兩 去皮 存性 三個 燒

右七味同為細末煉蜜為丸如棗豆大每服五丸薄荷湯

下

紫霜散 治小兒驚涎壅熱睡中驚搐驚叫解心臆安神魂

硃砂一兩 半 錢半 鐵粉錢半 鈔霜錢一 天竺黃錢一 龍腦錢半

已上五味 並同細研 甘草錢一 人參分一 使君子錢一 裹煨

右後三味先研為末細羅了却入前五味同研令極細和勻後以銀器或新磁器內貯之服一字蜜水調下看小兒

大小加減用之

真珠丸 治小兒驚熱有痰及多溫肚夜臥不穩喫食過多

天南星研末 錢一 巴豆二十四枚 去心膜 以水 浸一宿 研細 不出油 用

右二味先研巴豆令熟次下南星以糯米粥和為丸如棗

豆大隨兒年歲服之 瀉痢用米飲下 取食葱湯下如

膈上有食即吐出如在中腕即瀉下 驚悸薄荷荆芥湯

下

金化散 治小兒驚熱化痰利膈

川大黃濕紙 裹煨 乾葛 甘草炙 川甜硝另研細 各等分

右同為細末每服半錢水一盞煎至六分食後溫服

小硃砂丸 治小兒驚積鎮心臆化痰涎



硃砂一錢研細 巴豆三十粒去皮膜出油盡 半夏湯洗七遍研為末炒二大錢

杏仁五枚去皮尖

右四味同研為細末以麵糊和丸如菉豆大二歲只服一丸荆芥薄荷湯下三歲加一丸五歲服三丸如有驚伏在卽行盡仍舊藥出如無驚藥丸更不下甚妙而復穩

辰砂丸 治小兒壯熱驚積在內壅併痰涎及癩癖取虛中

積轉驚

辰砂兩一 定粉半錢 粉霜半錢 膩粉一錢 麝香少許

白丁香半字

右六味同研為細末用粟米飯和為丸如菉豆大拾作餅子慢火內微炮令紫色用粟米飯飲化下一丸微利為度

錢湯丸 治小兒驚積壯熱

猪牙皂角灰一錢 硃砂一錢 天南星末半錢 滑石末一錢

輕粉一錢 巴豆二十四粒去皮尖

右六味同研至細以寒食麵為糊和丸如菉豆大每服一歲二歲二丸三歲三丸煎錢湯下臨臥服

延壽丹 治小兒驚癇及大人卒中惡風涎潮昏重口眼歪

斜

辰錦砂 膩粉 鐵焰粉 白附子各二兩 蛇黃

用醋浸少時 大附子炮各九兩 天南星生淨洗 羌活 巴豆

搥碎用新水浸逐日換水 牛膝酒浸焙 蝎梢各三兩 生金

生銀各另研一分 麝香 真牛黃各另研一分



右一十五味同研和為細末以蜜和粟米飲溲和為丸如  
雞豆大每中惡風疹緩及五般癩疾薄荷酒磨下一丸老  
人半丸小兒驚癇十歲以上一丸分四服四歲以下一丸  
分五服新生孩兒一丸分七服並用蜜水磨下 如中風  
者髮直面如桃花色口眼俱閉喉中作聲汗出如油及汗  
出不流多要下泄或瀉血者並是惡候更不用服唯口噤  
眼開者藥下立差 如患纏喉風壅塞氣息不通將絕者  
急化一丸生薑薄荷酒下必效

雙丸子 治小兒癱瘓一切風痰傷寒小兒驚風等

天麻輕炙 天南星炮 蠶蛾 生犀末 硃砂另研

羚羊角末 藿香葉 白檀香 蝎梢須是鋒全者

烏蛇酒浸去皮骨輕炙 零陵香一錢 天雄尖 麝香各半兩

牛黃一分 雄黃一錢 狐肝一具水煮薄切焙乾另杵 烏鴉一隻去嘴爪腸肚子  
瓦罐內燒為灰另研羅入諸藥末內

右一十七味並揀擇淨分兩秤足依法修製搗細研令勻  
煉蜜和硬軟得所却于石上搥三百下用坩器盛每服二  
丸薄荷湯下大人白豆大小兒菜豆大卒患併三服 癱  
瘓中風用膩粉三大錢水調同藥化下 小兒驚風金銀  
薄荷湯下 婦人血風并產前產後中風手足灣曲當歸  
紅花酒下傷寒豆淋酒下三五丸

透冰丹 治一切風毒上攻心胃不利口舌乾澀風虛痰壅  
不思飲食及風毒下注腰脚疼痛脾虛體黃腎敗骨弱疏痰



利膈治癰瘰等一切風疾小兒驚風

川大黃

益智子去皮

茯苓

茯神去皮

蔓荆子

去花 葳靈仙去土 天麻

僊靈脾去梗

吳白芷

山梔子七稜小者為上

麝香一分另研太醫局方燒用醋淬

研川烏頭四兩生用去皮臍太醫局方用河水浸半月三日一換水切作片焙乾鹽一兩炒黃去鹽

右並生為末入麝香墨拌勻蜜澉和入臼內杵一萬下丸

如桐子大每服薄荷汁温酒下二丸 如卒中研四丸用

皂角白礬温水下立效 癰瘰風每日服三五丸常服一

丸茶酒任下 小兒驚風入膩粉少許薄荷汁化半丸灌

之 瘰癧葱茶清下一丸忌動風毒物

神寶丹 治大人小兒一切風疾但服此藥無不應效

自然銅半斤

金星礬石

禹餘糧石

石膏已上一兩

右四味用炭火煨通赤傾在醞醋內淬如此凡一七度放

乾後都搗羅為末入在磁盆內以湯淘洗二十度候浮盡

上面黑汁澄淨了只收在底真實藥於堯器內慢火逼盡

水脈後細研乃用諸藥如後

蔓荆子

葳靈仙

茯苓

天竺黃

天僊

藤 白僵蠶

鉛白霜

蚺蜥去毒

白蒺藜

旋覆花

莽草

犀角剉

半夏湯洗去涎七

色藿香已上各一分 桑螵蛸

瓜蒂各二 赤小豆四十九粒

參 檳榔各半兩

劍脊烏蛇酒浸去皮骨炙

真虎



骨一兩酒浸炙黃白龍砂以白大先繫定將粟米餛三日取其

右件修製擣羅再用下項藥

好硃砂飛一兩牛黃 龍腦各一兩麝香 膩粉

乳香各少許

右六味研如塵用前藥攪和令勻用槐膠水煮麵糊和得所入鐵臼擣熟丸如彈子大焙乾每一粒豆淋酒磨下作十服每五服後浸皂角水磨下服之小兒患量大小以意加減與服用薄荷金銀湯磨下神效不可具述

神效雄黃丸 治小兒五般癩牛癩卽牛聲馬癩卽馬嘶狗癩卽狗吠羊癩卽羊鳴雞癩卽雞鳴五癩病者五臟相引邪氣盈起寒厥反張手顛口吐涎沫須臾如甦復作 此方與

錢氏五色丸同但博濟水銀用八分耳五色丸

硃砂半兩水銀一分一兩真珠一兩鉛三兩同作二兩銀熬

右煉蜜爲丸如麻子大每服三四丸煎金銀薄荷湯下

疳積

金瓜圓 治小兒疳熱身多壯熱黃瘦久服肥孩兒解肌

黃連 黃檗 甘草微炙 青皮去白各等分

右四味同爲細末研入麝香少許和勻以豮豬膽和却入膽內盛用線子繫定于石器內漿水煮五七沸取出風頭釣一宿取出爲丸如棗豆大每服五七丸米飲下漸加至

十丸

至聖青金丹 治小兒一十五種風疾五般疳氣變蒸寒熱



便痢棗花糞脚細肚脹肚上青筋頭髮稀疎多喫泥土擣眉  
毛咬指甲四肢羸瘦疔蝮咬心瀉痢頻併饒驚多嗽疔蝕口  
鼻赤白瘡疔眼雀目此悉皆治療入口大有神效

青黛上細好者雄黃二分龍腦少許熊膽一分用溫水入化藥

胡黃連二分麝香五分蟾酥子一大水銀子一大鉛霜

白附子二枚蘆薈一分硃砂一分膩粉一分

右十三味細研杵羅爲末後再都入乳鉢內細研令勻用  
獾猪膽一枚取汁熬過浸蒸餅少許爲丸如黃米大曝乾  
於磁器內收密封或要旋取每服二丸各依湯使如後  
小兒患驚風天癇戴上眼睛手足搐搦狀候多端但取藥  
一丸用溫水化破滴入鼻中令嚏噴三五遍後眼睛自然

放下搐搦亦定更用薄荷湯化下二丸久患五疔四肢

小肚高擣眉喫土咬指甲髮稀疎肚上青筋粥飲下二丸

小兒變蒸寒熱薄荷湯下二丸化破服小兒久患瀉

痢米飲下二丸小兒久患疔虺咬心苦棟子煎湯下二

丸小兒患鼻下赤爛口齒疔蟲并口瘡等用兒孩子奶

汁研二丸塗在患處小兒患疔眼雀目用白羊子肝一

枚以竹刀子批開內藥二丸在羊肝子內以麻縷子纏定

用淘米泔水內煮令熟空腹喫下仍令乳母常忌毒魚大

蒜雞鴨猪肉等此藥小兒常隔三兩日喫一服永無病

不染橫天之疾凡有患但與服必有功效

蚶蚞黃連丸治小兒疔食氣頭面虛腫腹內泄瀉面色痿



黃頭髮作穗心腹脹滿肚上青筋

疥蝦蟆十枚洗去腹肚以酒浸炙令黃香即住火用

木香一分

胡黃連兩半

黃連兩半

沈香兩

丁香一分

麝香少許

乾薑一錢燒存性用

木鱉半兩燒合烟盡用

巴豆二十二粒以水淘洗去心膜并油並以紙裏用重物壓去油再研如

止麵

右十味細杵羅為末以水浸蒸餅為丸如蘿蔔子大空心

臨臥米飲下丸三歲以上二丸至三丸忌粘滑物

方 治小兒走馬疳蝕透損骨者及小可攻蝕用之必有效

用大天南星一枚當心剉作坑子安好雄黃一塊在內

用麥麵裹火內燒候雄黃鎔作汁以蓋子合定出火毒

一宿去麵研為細末入好麝香少許掃在瘡上

秋霜散 治小兒走馬疳蝕唇頰齒牙浮動宣露口臭至妙

信砒一分

粉霜半錢

膩粉半錢

麝香少許

右四味同研令細如粉每用時以指頭拈一粟米許搯在

患處牙齦上立效

麝香丸 治小兒疳熱化食壓驚

麝香

青黛

雷丸

鶴蝮

管仲

黃連各一兩

扁豆

一十四個油煎去皮

右七味除麝香青黛外一處杵羅為細末于乳鉢內再研

和勻用獾猪膽汁和蒸餅為丸如菉豆大每服五七丸空

心日午米飲下看兒大小加減如常服尤妙

青黛散

治小兒疳熱殺蟲



青黛好者細研半兩宣連一錢半為末苦楝根三兩細切雄黃一分

硃砂一分好者另研夜明砂半兩另研川大黃半兩細切蒸三度焙乾為末取用

麝香一錢另研蕪荑半兩

右九味為細末每服看兒大小服一錢半錢如若用蜜水調下日再服米飲調下亦可此宜常服

萬金散 治小兒疳蚘咬心痛面伏地臥口吐清水痰涎

白檳榔半兩苦楝根 石榴根皮 鶴蝨

藜蘆

右五味同為末空心熱茶調下一錢更臨時看見大小加減藥忌飴糖粘滑食凡疳在內即脹澀肚脹痢色無定或如靛青日漸瘦弱此乃內疳之候 若鼻下赤爛自揉鼻

頭上有瘡瘡不著痂漸漸遠耳生瘡頭大項細此腦疳之候 若脣被蝕齒作五色或峭黑口下疳白瘡上腭孔子口中臭氣脣齒槁爛此乃口疳之候 若下部開張痢下膿血有時赤爛痛不可忍痢下又無度臭不可聞此是患

疳之候

萬壽方 治小兒疳氣羸瘦腹大頸小頭髮稀疎臟腑不調

或瀉秘

乾蝸牛半兩乾蚯蚓半兩蛇蛻皮一分乾蝦蟆三個

使君子五個沒食子五個麝香一分

右上四味入罐子內封閉口炭火燒通紅同後三味研細取為丸如菉豆大每服五丸米飲下一日二服



胡連丸 治小兒疳瀉痢等極妙

胡黃連 丁香 蜜陀僧各半兩 肉豆蔻一個

右件同研細入麝香一分和勻次入萊豆末少許同水和為丸如麻子大兒三歲以下一丸三歲以上五丸 孩子

腦疳鼻癢及赤爛黃連湯下 脾虛羸瘦泄痢四肢虛腫

青州棗湯下 肝疳眼澀生瘡甘草湯下 骨疳冷地臥

愛食土紫蘇茶湯調下 常服米飲下 肺疳上氣急喘

橘皮湯下 筋疳瀉血鹽湯下 蟲疳及瀉無定生薑湯

下

雜病

真珠散 治小兒吐奶及霍亂吐瀉不止

石亭脂炒七錢 白滑石炒三錢七

右二味同研千餘遍看兒大小生薑糯米泔調下一字立

瘥

乳香丸 治小兒霍亂吐瀉不定

半夏半兩湯洗七遍生薑汁炒黃 乳香 砂仁各一錢研

右三味為末麵糊為丸如菜豆大每服五丸米飲下日三

服

方 治小兒未及周歲吐瀉不止此乳母氣血動榮或熱奶

傷胃致有痰涎

雄黃好者少許 大黃 五靈脂各等分

右三味同研為細末每服一字磨刀水調下



香朴散 治小兒脾痛兼和氣止瀉及腹肋刺痛起止痛  
不思飲食

厚朴兩一分 木香一分 麥蘖一分 神麩一分 青皮去白一分

陳皮去白一分

右六味同為細末每服半錢溫水調下

煨金液丹 治小兒三五歲患無辜瀉痢亦可服

硫黃一名石葶脂一名金液取三五兩至十兩並煨得入罐子內可及八九分無妨

右件藥取煨藥罐子一個盛藥在內下蓋子了採狗蹄草

一大握本名石龍芮 木鑑草一大握稻田中生一莖四花如田字亦名水田草獨莖生

將二草入鐵臼內爛搗更入掬黃土同杵勻如泥若無上件二草

且只使益母草代之亦可 便將裏藥罐子底下并周匝可厚五六分只

至口縫不裏然後置於平地上四面簇炭五六筋上面安

熟火一筋以來燒之直候火燒藥罐子九分來通赤專看

口縫處有碧焰子起便急手撥炭火急將柴灰三斗都蓋

勿令氣燄出直候冷撥灰取出刮去泥土已上是煨一度該也度依此

之煨第二度依前法杵藥草裏固煨之如前法煨五度若火

候得所煨出如熟雞子香即是候也若急要服只煨兩度

亦可服之煨度數多者為妙 煨度數足便於淨地上埋爐子一宿

出火毒凡逐度煨了刮去下面砂石尤妙 又取出爐子於銚子著水煮一二十

沸然後敲破爐子取藥杵爛更入乳鉢內點煎水研爛如

泥並無粗者却研令乾每一兩藥用蒸餅一兩以來浸握



出水了入藥內和合更於茶臼內杵令勻如麵可丸如梧  
桐子大日晒乾孩子留末子研細以米飲調以孟子灌之  
夜啼心驚奶傷有痰涎者並速研藥一分以來令服之日  
二服自然便放逐下積物多多與服並無忌若三五歲患  
無辜瀉痢並服得

烏龍散 治小兒秋後瀉痢久患不瘥大腸滑泄

龍骨 黃丹 定粉 猪指甲子 各等分

右四味同入一磁器罐子內安藥以物塞口用火煨令通  
赤放冷取出研為末每服半錢米飲調下

使君子丸 治小兒臟腑虛滑及疳瘦下痢腹脹不思飲食

使君子 一兩 麩裏煨 甘草 半兩 厚朴 半兩 去皮薑 陳皮 半兩

去白一分 青黛 半兩 如是夾驚及帶熱瀉即入此一味 訶子半兩

半生半煨 去核用

右件同為細末煉蜜為丸如小雞豆大三歲以上每服一  
丸米飲化下兒年百日以上三歲以下每服半丸乳汁或  
清米飲化下

胡黃連丸 治小兒疳痢瀉痢等極妙

胡黃連 兩半 肉豆蔻 個一 檳榔 枚一 訶子 二枚 以一枚煨一枚生用

丁香 兩半 紅雪 兩一 蜜陀僧 兩半

右七味同研細末入麝香一分和勻次入菜豆末少許同  
水和為丸如麻子大兒三歲以下一丸三歲以上五丸  
孩子腦疳鼻癢及爛黃連湯下 脾胃羸瘦泄痢四肢虛



腫青州棗湯下 肝疔眼澀生瘡甘草湯下 骨疔冷地

臥愛食土紫蘇茶調下常服米飲下 肺疔上氣急喘橘

皮湯下 筋疔瀉血鹽湯下 蟲疔及瀉無定生薑湯下

如聖散 治小兒多時瀉痢眼生翳膜并疔眼退翳

蛇蛻皮二條各長二尺用紙燭燒炭研 穀精草一兩去根土 黑附子末二錢去臍子

蟬殼一分去足 石決明一分 定粉四錢

右件前三味先擣羅為末次入諸藥研為散每服一字半

羊子肝一具切破摻末用麻皮線纏米泔煮熟先熏眼後

與喫如未能喫食研汁灌之

木香丸 治小兒調中順氣補虛

草豆蔻五個和皮 人參 茯苓 防風 藿香

陳橘皮去白各一兩

右六味同為細末每服一字減半錢薑鹽十米飲調下

葶藶丸 治小兒奶食衝脾傷風欬嗽墜涎

甜葶藶一兩紙上炒過 牽牛子一兩熅熟 漢防己一兩熅熟 大杏仁一兩去皮

尖炒熟研

右三味先擣羅為末入杏仁同研用煮棗肉再杵為劑丸

如棗豆大每服三丸至五丸淡生薑湯吞下一日二服

燒青丸 治小兒奶癖食癖每至午後時作寒熱微有欬嗽

脇肋癖硬

輕粉二錢 元精石一分 粉霜一錢 礪砂一錢 白麴三兩

右五味同細研滴水為餅子以文武火燒熟為度再研



滴水和丸如黃米大每服七丸漿水下三歲已下服五丸

肉湯丸 治小兒瘕呷咳不止

銅青 大黃 猪牙皂角 各為末各炒一錢

右三味同研合細用油餅麵和為丸如小豆大每服五七

丸煎猪肉湯忌酸鹹

龍腦膏 治小兒風熱咽喉腫疼塞悶生瘡搔頭躁悶及蟲

咬心痛

龍腦 半錢 白礬 一分 蟬殼 三十個去

牛黃 研半錢 蛇退皮 一條長二尺鐵器上焙焦為度除下

後研為末 元明粉 一錢

右六味一處煉研入砂糖少許和為劑丸桐子大冷水化

一丸

方 治小兒牙宣常有鮮血不止牙齦臭爛者

雌黃 炒一錢 麝 半錢

右件同研至細先用紙條子以生油塗之然後摻末在上

少用末翦作小片子尖看大小用插在爛動處一服瘥

丹砂丸 消除積滯化胃久伏積聚

巴豆 一分去皮以米醋煮一二沸却入新水內洗

豆蔻 四個 木香 研細各 硃砂 一分

右同研令細以麵糊和為丸如菘菜子大每服三五丸小

兒一丸酒食所傷鹽湯下溫水亦可 小兒疳氣肚脹腹

聚米飲下



抵聖丸 治下虛中積久曾取轉不得者

犀角末二錢 蝎稍三七個 銀末 硃砂各一兩 巴豆二十八枚去皮

膜 芫花二錢同巴豆用醋一盞煮令醋盡揀出巴豆以冷水浸洗控乾再炒令乾擣末取二分用

右件同為細末再研如麵將巴豆另研如糊和勻以水煮

麵糊為丸如小棗豆大 如小兒因驚積聚粘滑毒物在

于脾胃累曾取下變成虛積棗湯下 體熱困悶眼合不

開黃連甘草薄荷桃仁湯化膩粉一字許下 一歲以上

三歲以下二丸小可只一丸米飲下 大人喫食吐逆心

腹脹滿夜有盜汗日漸羸瘦用薑棗湯下 婦人血氣米

醋湯下五七丸更在臨時約其虛實加減用之張氏家傳

方名紫金丹

香葛根 治小兒上焦虛熱喫水不止

枇杷子炒 乾薑 胡黃連 甘草 黑參

麥門冬各等分

右六味同為細末每服一錢水一盞生薑一片煎至七分

後更入蜜少許再煎至五分放溫食後服

犀角散 治小兒骨熱晚後多發熱面赤五心煩悶四肢無

力飲食減少夜多盜汗面色痿黃

犀角末 柴胡去蘆 枳殼炒 麥門冬去心 茯苓去皮

芍藥 大黃 桑白皮 人參已上各一分 黃芪

鱉甲一個醋炙令黃

右十一味同為細末每服半錢用桃仁九個漿水煮麥門



冬一十九個去心其桃仁同研令細入水一盞與藥同煎至六分去滓溫服早晚各一服亦治大人盜汗

靈砂丹 治眾疾及小兒癩風

硃砂兩半 大附子炮 青皮 杏仁去皮尖 巴豆以水

五升慢火煮三十沸春冬用一百個秋夏用五十枚

右先將巴豆以水五升煮令油出水盡為度細研與眾藥末和以粳米飯和為丸如豌豆大 小兒癩風桃柳枝一

握煎下 小兒肚脹石榴湯下 小兒及患人相度虛實

加減服 一方用麩薑一兩炮

金鏃散 治大人小兒眾疾

白附子炮 木香 肉豆蔻去皮 猪牙皂角去皮

桔梗 吳茱萸炒 肉桂取心 大黃生 川芎淨

知母 白茯苓 當歸 檳榔生一個一個熟

巴豆去皮日日換湯浸二七日 白蕪荑取仁 芍藥

白僵蠶直者二分 黃連取淨二兩

右十八味同杵羅為細末入巴豆於乳鉢內同研令勻然

後入磁器中密封候至一七日後每用一字湯使如後卒

中風羊髓酒下頭旋菊化酒下血淋大黃湯下腰膝痛醋

湯下吐血竹茹湯下腸風背陰繁柳草自然汁入熱酒又

槲葉燒灰調酒下寸白蟲先喫牛脯後以蕪荑湯下霍亂

吐瀉新汲水下肺氣喘杏仁湯下小兒一切疾米飲下小

兒餵蜜湯下小兒誤吞錢膩粉湯下小兒天癩風以蟬殼



燒灰入小便調下

靈寶丸 治小兒瘡疥及三十六種風疾服之必愈

天麻洗 天南星 白附子 獨活 白僵蠶

川烏頭炮 羌活洗 乾蝎合者各一兩 牛黃 龍

腦各一分細研 麝香半兩細研旋入衆藥

右十一味各要上好藥淨洗日內晒乾不用近火杵為細末煉蜜為丸如豌豆大諸色風疾薄荷溫酒下五丸女人血風更入少當歸末溫酒下如癱瘓風下牀不得先用白礬半兩為末葱十莖煎湯溫浴後用薄荷汁溫酒下三十丸衣被蓋出汗別服補藥如是男子婦人疥癬瘰癧並須依前法洗浴服三十丸出汗當日必瘥小兒瘡疥亦須如

常浴每一歲一丸並須出汗並瘥忌食麵猪肉魚毒等物

### 治斑瘡方

用臘月兔兒活血以蒸餅相和丸如粟米大每服五丸無根水送下食乳者乳汁送下

解毒必勝散 治瘡疱將出未能勻徧透肌

用牛蒡子不限多少炒令熟杵為細末每服一錢入荆芥二穗水一盞同煎至七分放溫與服如瘡疹已出更與服亦妙



博濟方卷四

博濟方卷五

瘡科

癰疽者五臟六腑不和所生也五臟主裏氣行經絡而沉六腑主外氣行經絡而浮若喜怒不常飲食不節陰陽不調冷熱相干則臟腑氣虛氣虛則腠理開疎寒邪客於經脈之間爲寒所折則榮衛稽留於脈榮者血也衛者氣也血榮得寒則澀而不行衛氣從之與寒邪相搏故壅遏不通氣者陽也陽氣蘊積則生熱寒熱不散故積聚成癰疽也癰之狀毒氣浮淺皮薄以澤疽之證皮厚似牛領之皮毒氣深也久則熱勝於寒熱氣淳盛畜積故傷肉而敗肌肉壞則化爲膿血癰患屬表骨髓不枯易爲治療疽患屬臟傷骨爛筋則難理經



曰一寸二寸為癰三寸四寸為癰五寸至一尺為疽一尺至二尺三尺曰竟體疽疽成圓竅皆出諸氣人有憤鬱不遂志欲者血氣畜積亦多發此疾凡瘞癰者是六腑受邪經絡壅滯而發熱毒浮淺不能為害但出膿血時令盡不爾則再攻為瘡愈盛矣

治一切癰腫未破疼痛令內消

用生地黄杵如泥隨腫大小攤於布上糝木香末於中

又再攤地黃一重貼於腫上不過三五度

抵聖丸 治骨疽瘡及冷漏久不合者

滴乳香 膩粉 白礬燒存性 各等分

右三味同為細末每遇患者先用鹽醬水洗之以津唾調

之貼瘡上必效

殘霞膏 治風毒流注惡瘡熱疼生肌化毒

烏蛇四兩 五倍子一兩 蛇皮半兩以上 巴豆二十個 去殼

雄黃 牙硝各一兩 研碎 麝香續添 一錢

右件依法修事於銚子內入油二觔半煎聞油香入前藥

熬候藥并巴豆焦黑色漉出諸藥不用却入黃蠟一兩半

慢火養成膏以磁器內盛但有風毒瘡以小紙攤貼妙

羚羊角 治丈夫婦人風毒攻衝頭面生瘡虛腫等

羚羊角 犀角 羌活 檳榔 人參以上各一

兩當歸少許

右件判碎畧焙杵過分作四貼每貼用水一升煎至四合



分作兩服空心臨臥分服其每貼兩服滓更用水半升煎至七分又作一服喫之温服立瘥

敗風膏 治本臟風毒攻疰生瘡及熱毒氣流注赤癢

白芨兩半 白欬兩半 白礬兩一 剪草一兩半淨洗細剉

吳茱萸一分 水銀碗豆大 麝香少許

右七味爲末相和先用油半盞以下磁碗內盛以慢火熬令沸更入蠟一分同煎三五沸却安冷處入前藥末調和自然成膏或是瘡以鹽湯洗後以貼在瘡上

四白散 治腎臟風毒攻疰四肢頭面生瘡遍身癩癢

白花蛇一兩半酒浸一宿炙令香去皮骨秤 新羅白附子 白僵蠶微炒

白蒺藜微炒去刺各一兩

右四味同杵爲末早晚空心温酒下二錢

檳榔散 治腎臟風攻疰生瘡兼療惡瘡

甘草 黃連 蜜陀僧各一分 檳榔一斤泡 木香

右五味同杵爲末先以温鹽漿水洗過瘡搥乾以唾調貼之止痛生肌

烏犀膏 治皂角及惡水入瘡口內熱痛不止

皂角子不計多少燒灰存性用一二分

右先研皂角子絕細續入砂糖和勻如膏貼於瘡立效

黑神散 治腸風痔疾

羌活去蘆 黃芪 蔓荊子 狗脊火燎去毛 枳殼麩炒去瓢

檳榔 薤薤以盛薤藥爲度不以個數薤薤去子留薤用



右等分杵羅為末入菰蘆中盛以砂盒或瓦罐子內鹽泥都封塗之火煅通赤候冷取出藥末更別用藥如後

荆芥子 白蕪荑二味與前等分 木香減半

右同前藥杵羅為末空心茶酒調下一錢日三服別無忌

治痔方

黃蘗 黃連 黃丹 膩粉 白礬

右為末各用三錢都一處和令勻患者先煎葱湯洗後用

藥末一錢塗之久患不過三度理之大有效楊倓家藏方

無膩粉名三黃散

乳香散 治風毒痔瘡

乳香 猪牙皂角 穿山甲各二兩 蛇蛻一條頭尾全者

筋葉四兩去兩頭粗硬尖者 黃牛角尖一對可長二寸已來

右都入在砂罐子內蓋口用鹽泥固濟曬乾用十筋炭火

煅候碧焰子出去火放冷取出細研每服二錢用胡桃肉

一個細研以酒半盞入藥同調空心服五服後見效

追毒膏 治瘰癧神效

丁香七個 麝香一錢 葇蓉五十粒 雄鼠糞七粒兩頭尖者以麥麩兩匙同

炒候麩黑黃 斑貓三個去翅足 梔皮三筋去麩皮

時去麩用 以水二斗煎取四升瀘過重熬候成膏然後入諸項藥

右六味同杵為末候梔皮煎溫和乃入諸藥攪令勻貯於

磁器內每服空心以溫酒一盞調下三匙以來臨時更看

人大小及肥瘦加減斟酌用之喫了更以清溫酒下之便



仰臥須臾即吐出若病根年深者如蝦蟆衣魚腸相似近者若蜆肉吐了以溫水漱口粟米淡粥補如無粟米亦可忌一切十毒物月餘

血竭散 治癩瘰已破膿水不止者

青州棗二十個燒為灰 乾地黄半兩別杵為末 血竭炒二錢半

右三味都細研如粉以津唾調貼瘡上

治癩瘰滿項不破及腫疼痛方

用不蛀皂子三百個酒一升半化礪砂一兩同浸皂兒七日以文武火熬成候酒盡為度每至臨臥含化三粒限半月必瘥

逐邪散 癩瘰者由風邪毒氣客於肌肉隨虛而停結為瘡

如李梅棗核大小兩三相連皮肉間時發寒熱是也久則潰

膿連屬而生久不愈則為癩瘰不以年遠服之必效

皂子不計多少以絹袋盛入廁中浸三七日取淨安地坎中刺蓋出毒一宿焙乾搗為末 斑貓五

個去頭翅麩慢火炒令黃色去却麩後搗為末

右用皂子末二錢七斑貓末一錢七水銀粉二錢生雞卵

一個取白傾蓋內更入飯飲半蓋并藥一處打勻四更初

服至五更取下毒物或從小便中下出如有些小澀痛不

妨或患及五年只三服三年只二服二年只一服忌口只

用燒鹽喫五七日其方曾經親驗甚有神效

生犀丸 次日服消毒化結聚

生犀牛分 生龍腦牛分 真麝香牛分 紅娘子二十個 斑貓



二十一個去頭翅同紅娘子著豆麵炒焦黃為度

右五味並為末用豆麵糊丸如棗豆大每日空心日午夜臥用臘茶放溫酒下一丸服至十日加至二丸除淡飯燒鹽外餘并忌一月日食切忌暈腥

木香散 斂瘡口

木香一分 檳榔七個 白芨半兩 白斂半兩 雞內金焙乾

根子黃皮一分 肉桂一分 麝香許少 黃蜀葵花焙乾

右九味一時焙乾為末研細看瘡口大小逐漸滴水調成膏於熟絹上貼每日一度換摠治一切瘡止痛生肉並皆用之妙

醉仙散 治大風痰偏身癱瘓瘰癧

胡麻子 牛蒡子 枸杞子 蔓荊子四味藥揀淨洗

各半兩一處同炒合烟出為度 苦參半兩 瓜萸根 防風去蘆各半兩

白茯苓半兩

右八味同杵為末每十五錢藥末入輕粉二錢一處拌勻每服一錢生末調茶下空心日午臨臥各一服服藥後五七日間先於齒牙縫內出臭黃涎渾身疼痛次後便利下膿血此是病根其疾永瘥

治疥癬滿身瘡不可療者

何首烏 艾各等分判為末

右相度瘡多少用藥并水煎令膿盆內盛洗甚解痛生肌巴戟散 治元臟虛冷上攻口瘡



紫巴戟穿心者一兩以陳粟米同炒令黃色佳香白芷半兩剉碎微炒蠻薑末炒

錢總錄作高良薑

右三味同為細末每服二錢用猪石子一對去筋膜每石子一個入末一錢用濕紙裹煨熟趁熱去紙先以口承石子熱氣口中有涎即吐出候冷即可細細嚼服之

紫金霜 治大人小兒口瘡

黃藥如兩指大二片以蜜慢火炙紫色訶子一枚燒過蓋少時麝香少許

膩粉少許

右件搗羅為末每服二字許糝於舌上立瘥

如聖散 治一切刀斧所傷并久患惡瘡

龍骨半兩虎骨半兩黃丹五文放炭斗內以火燒冷通赤硃砂一錢

膩粉一錢麝香二文乳香一塊好者皂子大

右件同研為細末應是一切瘡以黃連湯或鹽湯拭乾糝在瘡上不得以衣物粘著瘡口

八效虎骨散 治血風遍症疼痛丈夫筋骨疼及打撲損疼

痛甚者

虎骨酥炙敗龜炙當歸 官桂去皮地龍去皮

牛膝去苗漏蘆 葳靈仙 自然銅燒醋炙淬

元胡索

右一十味各等分同杵羅為細末每服一錢用熱酒調下每日服

療瘡



穿山甲

虎脰骨

各一兩 燒為灰 雞舌香

一枚 生用 麝香

右件同研令至細每半錢看所患大小以黃米粥攤在紙

上候溫和得所然後糝末在藥上封裏所傷處疼痛立止

隔日換貼之

五傷接骨膏 治一切傷折及驢馬傷墮并打撲閃肭著疼

痛不可忍者

沒藥

一兩好 者生用

乳香

一分好 者生用

川椒

一兩揀擇 去子生用

芍藥

一兩揀 擇生用

川芎

一兩好 者生用

川當歸

一兩揀擇淨洗 過細切炒令乾

自然銅

一兩半用 火燒令赤

候冷杵研令細用水飛過紙 上襯于灰上吸乾取一兩

右件都搗羅為末入自然銅末拌和令勻用黃蠟三兩半

於銚子內鎔為汁次入藥末不住手攪令勻丸如彈子大

每服一丸用好酒一盞同煎煎散藥丸為度候通口呷訖

就痛處臥些小只可一服止大段疼痛者兩丸至三丸永

瘥

定痛膏 治大段傷折疼痛

白檳榔

二枚

肉豆蔻

一枚

官桂

半兩

柳桂

一分

當歸

一兩

木鱉子

二十個

香白芷

二錢

天南星

一個

白附子

一兩

丁香

三兩

黑附子

大者一個

黃蠟

臨時不定

右一十二味都為末一兩蠟用藥末一兩同於鐺內煎直

候紫色花上來藥方熟後用井泉水一盞將鐺內藥傾入

水盆內然後以手控乾其藥直須熱炙更不得分毫結梗

捻為餅子裹在傷處其藥三日後却將藥重於火上炙團



一處依舊捻餅子裏舊傷損處

還魂神白散 治打撲損及傷中大效

花乳石 五觔搥碎如  
如皂子大 硫黃 搥碎如  
皂子大

右用磁盒子一個先入乳石一重次入硫黃一重重鋪

盡浮上用鴨舌草獨掃是也赤石脂和塗盒子口縫又用

鹽泥固濟勿令有小縫紋用新磚一口四面書金木水火

字中央書土字上安盒子用炭火二觔煨之耗及三分漸

漸去之取去盒子地坑內埋一宿細研為末但是刀傷損

至死者於傷處糝藥其血化為黃水更糝藥其人便活更

不疼痛 如婦人產後血暈至死但心頭暖即以童小便

調下一錢取下惡血如猪肝片終身不患血風等症若高

上有血化為黃水吐出及隨小便出便瘥 若牛抵人腸

出不損者急納入以桑白皮縫合於縫上糝藥立活封裏

不可有縫 如內痛血入臟腑熱煎童子小便及入酒少

許調一錢服之 此藥真神仙所傳如逢德行者可以令

博救共獲陰功

黑龍散 治傷折手脚骨髓突出補碎續筋

穿山甲 四兩 虎頭骨 四兩 洛粉 三兩炒帶  
黃色為度 麝香 一錢

龍腦 一錢 丁香 一兩好者新瓦  
焙微見火氣

右先用瓦罐子一個投虎骨在罐子內燒令煙起次入穿

山甲同燒煙焰起為度取出放冷同前藥杵羅令細用小

黃米一大合水二盞煎成稠粥續入藥末一字醋一小杓



子再煎攪勻後於損處先著手帕子一條攤上面覆裏勿令透氣再著紙裏三五重并油單都裏角卽一伏時一度換依前法忌冷水溫麵不得鍼灸服自然銅沒藥治之如無黃米卽以糯米代之

蓬莪散 治傷撲疼痛

蓬莪朮

白殭蠶

各一兩

蘇木

一兩

沒藥

半兩

右四味同杵羅爲細末每服二錢以水一盞煎至七分溫服日三五服

當歸散 治驢馬傷墜他物傷折痛楚不可忍者

川當歸

二分熬令香

芎

一兩半熬令黃

桂心

二分去皮

甘草

三分炒令黃

附子

一分泡

澤蘭

一分炒令香

蜀椒

一分

右七味搗爲散每服酒調方寸匕日三服如傷折叫喚痛聲不絕服食良久之間不復痛十日可筋骨相連或小兒奔車所損臂膝皮肉決見骨木叫喚聲不絕服數日便能行動其效如神

丹藥

張果老先生服杏仁法

夫人受命於天放形於地以日爲魂以月爲魄一生以後更不合死皆是飲食養育不致殞絕矣藥在籬根之下凡人未必盡知冠冕之流貴耳賤目只重吳蜀之空名不知咫尺之可取以爲用可期必致殊不知長生之秘服之則可延年世上單服一味藥而得延年者黃精枸杞藥中爲妙品猶有生



頭痛病而難服彭祖夏姬商山四皓煉杏仁爲丹以致仙宮而王子晉丁令威等並不去世事畜妻子服生杏仁服之久遠仙來迎候乘龍駕鶴以致昇騰者只服杏仁矣服之生五臟補筋骨添血髓益精神強記目明視徹千里消痰癖變凡爲仙若王子晉服經四十年不覺身飛騰空丁令威服經二十年不覺身飛此二子者不服諸藥惟服生杏仁凡有此神驗不須煉熟氣生力全若煉熟則減其半杏仁共有十名一曰長生元二名干歲元三名化白令少元四名却老元五名通神萬歲元六名定精元七名蓋精元八名超升元九名換骨輕身元十名煉杏仁金丹元其人服之一一經歷矣杏仁性不冷亦不熱無一切忌觸亦不與諸藥相妨惟忌不

淘白粳米甜水粥邂逅喫者有少不安須臾即可或客行在路只恐不及如法若逢不淘白粳米甜水粥但放令冷任食多少無妨害惟忌此粥外並不妨

杏仁性溫平有少苦味久卽甘美服之三年更不覺有苦氣惟覺甘美性不下氣能去膈上熱肚腰口服者當自知之

取生杏仁去皮尖雙仁服黃色者尤妙於平旦時空腹未漱口時二七枚口中退皮尖熟嚼令津液半口可嚥之訖如行一里任喫諸食如單覓延年者任食肉及暈辛如欲昇騰者卽不得食一切肉及葷辛任畜妻子營養傭作也肉者易敗壞之物所以不益于身葷辛品味仙家忌之能斷諸肉卽仙道易成或服生杏仁一年百病自除二年身輕目明徹視千



里但得延命五十年服經六年骨內換盡面若桃紅延年七  
紀服經七年行及奔馬換舊齒重生服八年玉女侍衛延得  
一百五十年服經九年時間仙宮鐘磬延命五百年服經十  
年命與日月齊如食五辛及血食則不得聞也服經二十年  
身騰空虛而無所歸服經三十年仙宮來迎若斷妻子血味  
五辛營養者服之二十年衆仙來迎白日昇天如斷血味營  
養只畜妻子者四十年一朝不覺自受衆仙來迎余性好射  
獵血肉爲本今登六十遊恒山頂上得此方便於山拾杏仁  
服之經十年自覺身輕目明便踴躍無睡服二十年余已八  
十矣本亦只營一百年卽擬自理實不敢希望延年忽有三  
十餘人從恒山頂上來余欲避之不得便卓然立只迎去半  
里便卽禮拜不敢正視有童子先來相引忽然莫識何處須  
臾間知是仙宮非人凡世余故留此方遺後明者勿輕之勿  
與凡流之輩徒傳必輕之以爲口實也

張先生服生杏仁慎忌損益法契聖寺原師處得此法原師  
於王屋山揚行真處得此本每日旦朝空腹取杏仁二七枚  
去皮尖雙仁者面向東南未漱口前熟嚼令口中津液有半  
口便卽嚥却如人行一里當任意食之恐減藥力杏仁取效  
服三七日四七日卽覺洩氣過常時三倍服三個月脚熱如  
火腹中搜病不覺自愈服經八個月肺臟調和搜病永斷有  
如嬰兒之視至十六個月臟腑更新胸膈通泰上氣永斷癖  
病消散服經二十四個月肝臟鮮明肝上有痕皮不覺自脫



落眼目精明眼病永除目能遠視服經三十二個月脾臟踈暢胃脘開通常白搖動脾氣永消腹胃通快服經四十個月腎臟端正去黑皮氣無壅滯腰臍之間結冷永盡房屋少壯服初滿二年百害不傷服經三年百神覆護三年穀氣破散臍中疼痛忽然出生血一千片勿驚怪此是藥來卽就止此是上上應延年之效如三年內大腸中血不下者亦是次上上之喜應延年之象如滿四年無不下者到五年內其血更亦不來矣如依前更來是穀氣厚重藥力未加而藥腸未來當須加杏仁至四十七枚乃可破得穀腸必被藥力衝破亦同延年必仙之效耳凡服杏仁血下一日不嫌飲食二日平巨瀉血瀉血之後便聞飲食惡氣耳聞眼見卽生嘔逆如有能忍飢得七日者是上仙如不能忍飢者任食煮白粳米粥汁飲之以時爲之是次仙三日五日七日並下血一升皆聞食臭八日平旦下血後聞飲食美任意食之若食卽須少食之多卽令人滿悶七日別一度下血一升到八日已上平旦血三升二升半八日九日十日十一日並同至十二日已上卽兩日三度下血至十三日十四日十五日並同至十六日別一度下血六升或五升十六十七十八十九日並同至二十日已上兩日三度下血三升四升至二十一二十二二十三日並同至二十六日二十七日並同至二十八日已上兩日一度下血四升或五升至二十九日三十日並同從此之後從四日減一日其血少於尋常三升二升有似身輕喻若



上重檐脫靴而行服之者當自知之矣恰一百日不覺血定  
穀腸並被換遍如世人只圖瘥病不要長生者血下之後三  
日卽須取桑椹或桑上青椹杵作散一如煎茶服一兩碗其  
血卽止如無椹子末者取藍汁及刺薊汁一碗服卽止其血  
至時無度微肚疼少時許卽是可明也

吳真君服椒法

夫椒性稟五行情通六義葉青應於甲乙皮赤在於丙丁花  
黃與戊己爲容膜白兆庚辛之色子之呈質應乎坎方熱不  
止蒸暖及丹府傍通血脈中助真元又能消酒食之毒又能  
辟溫邪之氣安和五臟調暢三焦陽草之中功不可比每金  
州川椒一觔揀令淨者去目及合口者仍於鐺銚內炒令透

於地上鋪紙兩重以椒在上用新盆內合定周廻以黃土焙  
之半日許其毒成汗取出曬乾木臼輕杵取紅皮四五兩再  
入鐵臼杵爲末以木蜜爲丸如桐子大候乾以紗絹袋子盛  
掛通風處每日空心茶酒任下十丸至十五丸半年加之二  
十丸一年後加之二十五丸並無所忌又歌曰其椒應五行  
其仁通六義欲知先有功夜間且不起服之半年內脚心汗  
如水四時去煩勞五臟無風氣明目腰不疼身輕心健記別  
更有異能三年精自祕顏色如童子精爽又少睡但服此神  
效一生瘧疾已若能志心服三屍自然棄更有九般蟲各各  
自迴避倘逢此色人第一書傳意雖未遇神仙初緣已得地  
至人傳授神仙服餌雄黃丸



夫雄黃千載變爲黃金服餌莫若真人此法微妙不傳凡世  
今但錄此方久服卽身輕益氣悅澤顏色去三屍辟百毒遠  
疫癘鎮心神奇功最妙卒莫紀陳每擇雄黃如雞冠血色不  
雜砂石者不限多少搗羅令細以松脂和杵爲丸如彈子大  
每旦以酒研下一丸服至十日腹中三屍百蟲自下面上紫  
黑皆除除及一月百病自瘥耳目聰明久服卽可至神仙常  
須潔淨不損藥力尤佳

煉松脂法用桑柴灰淋汁將松脂同於鍋內或土石器  
中煉成汁後用稷皮濾過灰汁內勁者以水澤如雪白  
者用如未精依前法再煉之每合前藥以和勻爲服

枸杞煎 明目駐顏行步康健壯元氣潤悅肌膚

採枸杞子不計多少先去蒂子然後用清水洗淨淘出  
控乾後夾布袋子一個入枸杞子在內於淨砧上取自  
然汁澄一宿去其清水入石器內慢火煎成膏子取出  
入磁器內收每限半匙頭以溫酒調下久服神妙大有  
所益如合時天色稍暖其柝下汁更不用經宿其膏煎  
下三兩載並不損壞如永遠服多煎下亦無妨

服九節菖蒲法 駐顏延年明目去風氣通關竅安神益

智

九節菖蒲不計多少惟生於山澗石上東流水中者採  
取爲妙若是少得時只石上水中生者亦得不可用陂  
澤中生者于八月內採取得去根鬚淨擇了以淘米汁



浸三日三夜每日換米泔取出控乾以硬竹削為片子  
如錢厚以布袋盛貯於長流水中浸三伏時更用井花  
水淨洗擇如蒸飯九度每蒸後曬一日候數足不得犯  
鐵器于木石臼子內細搗羅為末煉蜜為丸如梧桐子  
大初服二十九漸加至三十九四十九五十九用鹽湯  
下茶酒亦可忌羊血若有餘者以紙袋盛貯掛在風口  
如服盡更取末合或酒煮糊和丸亦得

### 煅金液丹訣

**硫黃**

一名石亭脂一名金液取三五兩至十兩並煅得  
舶上硫黃為第一餘黃並使得但無夾雜為上碎  
研入罐子內可  
及八九分無妨

右件取煅藥罐子一個盛藥在內下蓋子了採狗蹄草一

**大握**

木名五  
龍芮

**大鑑草**

稻田中生一莖四花如田  
字亦名水田草獨莖生

將

二草入鐵臼內搗爛更入一掬黃土同杵勻如泥

若無二  
件草且

只將益母草  
代之亦可

更將裹藥罐子底下并周匝可厚五六分只

至口縫不裏然後置於平土上四面簇炭五六觔上面安

熱火一觔來燒之直候火燒罐子九分來通赤尋開口縫

處有碧焰子起便急手撥炭火急將柴灰三斗都蓋勿令

氣焰出直候冷撥灰取出刮去泥土

已上是煅一度訣  
也度度依此煅之第

二度法依前法取藥草裹因煅之如前法煅五度若火候

得所煅出如熟雞子香卽是候也若要急服只煅兩度亦

可服

煅度數  
足者妙

煅煉數足便於地上埋爐子一宿出火毒凡

逐度煅了刮去下面砂石妙又取出爐子於銚子內著水



煮一二十沸然後敲破爐子取藥杵爛更入乳鉢內點煎水研爛如泥並無麤者却研令乾每二錢用蒸餅一兩以來湯浸握出水了入藥內和合更入茶臼內杵勻如麪可丸梧桐子大日曬乾收服法如後

一每遇患者纔腹臍稍秘及飲食減少似有作寒作熱狀候卽服便此卽效也瘥了日只可一服 一無患逐日早服二十九至三十九諸疾永不生 一但遇有患更不問疾之冷熱但取藥服之以效爲度自然見神功別藥更不宜雜藥亦不得著別藥吐瀉此藥自然補瀉與常不同不問丈夫婦人老小有患並服無忌 一孩子留末子細研以米飲調以孟子灌之夜啼心驚嬾傷有痰涎者并速研

藥一分以來合服之日二服自然便效逐下積物多多與服並無忌若三五歲患亦無 一瀉痢不止以黃連貝母二味煎湯下藥恐嫌苦杵藥羅入等分蒸餅丸如梧桐子大米飲下 一若患腸風痔疾入白前末等分依前法丸服米飲下 一切鎗頑瘡以末傅之 一應久患風氣疾肺疾積冷病患忽患傷寒瘧疾胸膈不利頭疼肚熱並宜依前法多服 一只如傷寒多被醫人誤下轉藥或發汗不依前後反却陰陽遂致患疾難起今後如有患纔覺中著傷寒便多取藥服今日喫一二百丸逐下若得瀉勿爲怪直候瀉盡病自然復平屢曾如此醫人其驗無比 一此藥可療衆病更臨時看疾深淺加減丸數服食若皮膚



之疾可以鍼治藥恐難到 此藥至靈無比只為世人多  
妄傳云有毒畏忌不服到有疾難療枉有所傷予親傳此  
法以此方救療的有依憑倘已病痊不須多服

金鏃散 療眾疾

白附子 泡取心 半兩 木香 半兩 地龍 三分 肉豆蔻 半兩 去皮 乾蝎

三十個 肉桂 取心 半兩 黃連 取淨 二兩 大黃 半兩 生 桔梗 半兩 吳茱萸

半兩 芍藥 半兩 川芎 半兩 淨 知母 半兩 白殭蠶 三分 直者

白蕪荑 取仁 半兩 白茯苓 半兩 當歸 半兩 檳榔 兩個 一個 生 一個 熟

猪牙皂角 半兩 生 去皮 人參 半兩 巴豆 二兩 去皮 逐日換湯 浸 二七日 又用麥麩水煮

一日細 研末

右二十味同杵羅為細末次入巴豆於乳鉢內同研令勻

然後入磁器中密封於暖處候至一七日後每服一字湯

使如後 卒中風羊髓酒不頭旋菊花酒下 血淋大黃

湯下 腰膝疼醋湯下 子死胎桂心水銀湯下二服取

下 吐血竹茹湯下 腸風背陰繁柳草自然汁入熟酒

又槲葉燒灰調酒下 寸白蟲先喫牛脯後以蕪荑湯下

霍亂吐瀉新汲水下 肺氣喘杏仁湯下 小兒一切

疾米飲下 酒食薑棗湯下 婦人血氣煖酒下 冷血

艾湯下 眼痛菊花湯下 疝氣茴香湯下 五淋木通

湯下 瘧疾蒜酒湯下 久冷椒湯下 月脈不通熱酒

下 赤帶痢豆湯下 白帶艾湯下 食癥橘皮湯下

疰痛桃仁湯下 產後溫酒下難產同 驚風蝎梢湯入



小便少許下 疝等米飲下 赤白痢乾薑甘草湯下

白痢白木湯下 赤痢地榆湯下 中熱麻黃湯下 鬼

箭桃符湯下 小兒麝蜜湯下 漆瘡椒湯下 虎風足

筋骨痛畫獅子燒灰調湯下 精神恍惚金銀湯下 婦

人淋葵菜湯下 赤眼甘草湯下 腰膝疼痺牛膝湯下

喫噎橘皮湯下 肺氣蛤蚧湯下 寒熱柳枝湯下

小兒誤吞錢膩粉湯下 水疾苦葫蘆湯下 膈上食淡

竹葉湯下 熱毒風山梔子湯下 腰宣薑棗湯調半錢

誤喫水銀粉洩不止煎黑鉛湯下 婦人血勞黃瘦病

桂心湯服後下黑血瘥鮮血不瘥五勞猪膽湯服七日後

鼻中出鮮血瘥黑血不可治 小兒天癆風以蟬殼燒灰

入小便調下

神仙太一丹 治諸病皆醫藥所不及者

硃砂一兩辰州者為上 紫石英一兩 鐵引粉一兩 雄黃一兩

砒霜半兩用 銀箔二十片 金箔二十片 太陰元精半兩

麝香一兩 端午日南行猪糞燒灰後秤一兩

右一十味先將難研者研細後於端午日侵早更各細研

了却一處同研令極勻候午時用三五家粽子尖其粽子須用端

午日面向南搜劑為丸如雞豆大凡遇大患時每丸可療

兩人小可疾病每丸可分為三服

舶上硫黃一兩研 水銀

右先將未曾經使者銚子一個坐於文武火上令煖入水



銀在內片時後入硫黃用柳木槌子研令鎔勻後拈下銚子放冷取出細研却入前藥同研令勻和洩此藥本謂之龍虎太一丹蓋用此二味故也時多隱之此藥經久不壞其功益盛收時以金銀器或埴器內盛貯仍以硃砂同入合收之其湯使如後 凡草木蟲魚鳥獸菌草等毒並用溫酒和童子小便磨下 一切藥毒鬼毒如前下 金石毒炒雞鴨糞淋酒磨下 瘟疫用炒生薑湯下 狂走不識人者生薑蜜水磨下 麻豆瘡生薑蜜湯磨下 陰陽二毒傷寒三日後煨葱酒磨下 五般瘴氣犀角末調酒磨下 五般蠱毒炒烏雞糞一合并竈心土末三錢同用酒煎十數沸去滓磨藥五更初服脚不得着地於床上垂

脚坐服之 鬼交狐魅丈夫心神迷惑婦人則情意狂亂或懷鬼孕用桃仁七個去皮尖細研酒調下 丈夫婦人鬼瘧並用猪膽酒下 飛尸遁尸煎桃柳枝酒下 尸疰鬼疰麝香酒下 藥箭毒桑白皮酒下 中虎毒沙蠶毒磨犀角黃連酒下 驚癢龜背磨犀角麝香酒下 蛇咬虎傷炒烏雞糞淋酒下 驢涎馬汗馬血入肉悶絕欲死者水蛭末調酒下 心躁氣壅金銀煎酒下 心疼氣絕炒生薑鹽酒下 大便不通煨葱白酒下 小便不通煎通草湯下 腫毒入肚磨犀角酒下 脚氣衝心豆淋酒下 銅銀冶爐煙入腹煨葱白酒下 婦人血刺血暈煎當歸酒下 丈夫婦人中急風炒烏雞糞淋酒下

如是牙關緊閉



口不得用生半夏末指牙齦并塗兩牙關則口開便灌藥

心風用活地龍一條納于

生葱管內同研令爛少酒投之取清者一盞下 頭風煎

枸杞酒磨下 喉閉壅塞薄荷酒磨下細細嚥之 一百

二十般風痛以鼠粘子酒下要除根本一丸分兩服空心

臨臥各一服 如有人卒暴死牛馬糞清磨下如未醒再

用童便和酒下 驚怖死者麝香酒下 如魘魅欲死者

新汲水調竈心土磨下更以吹鼻散納鼻中不得叫喚有

燈即不得吹滅如無燈即不得點上 中熱死口鼻血流

用牛黃酒下又以小便沃熱灰擁心上冷則易之 溺死

者放水出後以新汲水和半夏末二丸安鼻內後以艾灰

酒下 自縊死者緩緩解下不得割斷繩子酒和雞冠血

并童子小便磨下男子雌雞冠血女子雄雞冠血下仍用

雞冠血磨丹塗喉上次以四人將小竹筒子於兩耳鼻內

齊吹如活後更服藥十日 凡一切惡疾至死者但心頭

暖雖久可救下藥扶起令藥行即相次活矣一右須皆空

心面東服之疾甚者不過再服若急疾有病且以溫酒和

童子小便磨下服之然後依所患湯使服之或病勢深重

須吐瀉者則服一丸 如吐瀉過多則以菜豆末一錢水

調服之立止忌熱食白牛肉一切臭穢物 如孕婦不可

青金丹 治眾疾

巴豆 二兩先去心膜皮用頭醋煮之乾更用硫黃煮一伏時取出不用硫黃杵二三百杵研如膏



木香

青橘皮

去瓢

吳茱萸

附子

已上各半兩並一半生一半熟

右件同為細末入巴豆膏煉蜜三兩入青黛半兩研細和

丸如棗豆大每服三五丸至十丸服餌如後 丈夫遠年

氣疼醋湯下 丈夫背氣痛橘皮湯下 五般瘧疾艾湯

下 咳嗽杏仁湯下 一切風冷柳枝湯下 痢疾烏梅

湯下 大便不通大麻子湯下 心痛胡椒湯下 婦人

血氣不通當歸湯下 赤白痢黃連湯下 赤眼梔子湯

下 血汗葱湯下 中毒桔梗湯下 赤白帶芍藥湯下

霍亂木瓜湯下 水瀉不止米飲下 宣轉生薑湯下

靈砂丹 治眾疾

硃砂半兩

大附子

一兩泡去皮臍

青橘皮

去白一兩

麩薑

泡一兩杏仁

一兩去皮尖

巴豆

春冬用一百個夏秋五十個以水五升慢火煮三十沸

右先將以巴豆水五升煮令油出水盡為度細研與眾藥

米和勻以粳米飲和為丸如豌豆大其治療如右常服消

酒食以酒下或溫湯下 氣痢生薑湯下 痔漏腸風胡

荜湯下 大風痰梔子湯下 心痛熱酒下 疎利滯氣

津液下 瘧疾醋湯下 肺病及一切勞疾桃柳枝各一

握煎湯下 腰疼膝痛酒下 水瀉新汲水下 小兒疳

風桃柳枝一握煎湯下 小便秘燈心湯下 腰脚風葱

湯下 霍亂木瓜湯下 發汗麻黃湯下 臂腰口生薑

湯下 懷胎氣衝心酒下 一切風防風湯下 陰毒傷

寒熱酒下 止瀉黃連湯下 蛇蟲咬傷冷水下 宿食



不消白湯下 頭痛不止白湯下 痺氣膨脹茶下 疰  
痺丁香湯下 五勞七傷楮實湯下 口瘡棗湯下 脚  
氣上衝胸熱湯下 心痛打損酒下 傷食各隨原色湯  
下 敗血不散米飲下 難產黃葉湯下 小便澀大黃  
湯下 肺氣咳嗽杏仁湯下 眼昏黑花黑豆湯下 牙  
疼茱萸湯下 小兒肚脹石榴湯下 乍寒乍熱桃心湯  
下 懷胎不安芎藭湯下 口吐酸水訶子湯下 產前  
瀉痢艾湯下 小兒五疳乳汁下 脇腹疼痛芍藥湯下  
大人服五丸小兒及患人相度虛實加減丸數服之

### 修製藥法

予今選集名方以防疾苦然博文之士不在其陳行路之間  
亦慮遺忘今畧書其修合節度列之如右

凡藥有酸鹹甘辛苦之五味寒熱溫涼四氣有毒無毒陰乾  
暴乾收採各順歲時新陳別其真假凡將修合並須精細  
凡藥有分劑勛兩輕重多少不可妄有增減若用得其宜與  
病相會入口必愈

凡藥有宜丸者宜服散者宜水煮者宜酒漬者亦有不可入  
湯酒不可犯火氣並如本法不可改易

凡搗羅藥竟恐有鐵屑以好磁石攪熒取之

凡病在胸膈以上者先食後服藥病在心腹以下者先服藥  
後食在四肢血脈者宜空心服在骨髓者宜飽滿臨臥並依  
本法次第服之



凡藥須要酒服者以助其勢飲服者直攻其疾有冷有煖有疎有數並有本方不可妄服

凡藥須去苗去核有燥有濕將欲杵合再秤取合足分兩或差應病必誤

凡篩散藥竟卽須再羅貴其勻細

凡和合丸藥成團必須再杵千百下視其色和同亦須易爲丸撚

凡云蜜劑取藥末分兩算乃蒸煉其蜜合和滋潤全勝火熬法用生蜜自如本方

凡蒸藥常用微火煎令小沸用水多少煎及分數並依本方凡修合本方自有修製切在依稟不可更變

凡藥有三品稟性不同攻病旣除不必盡劑

凡服藥有先有後有早有晏蓋相須而相使或相反而相制但從本方不宜更易



皇清嘉慶十有二年歲在著雍執徐陽月昭文張海鵬較梓



